



Na osnovu čl. 2. stav (1) tačka l) podtačka 2), čl. 69. st. (1) tačka b) i (2) tačka d) i čl. 70. stav (4) Zakona o javnim nabavkama („Službeni glasnik BiH“, br. 39/14 i 59/22) i člana 10. Pravilnika o javnim nabavkama (08-02-2-1826-1/2019 od 14.05.2019. godine), na preporuku Komisije za javne nabavke od 22.08.2023. godine, direktor Sekretarijata Visokog sudskog i tužilačkog vijeća Bosne i Hercegovine, donosi

ODLUKU o poništenju postupka

Član 1.

(Predmet odluke)

Poništava se otvoreni postupak nabavke usluga, LOT 4 – Održavanje i servis vozila marke Toyota (u ovlaštenom servisu), za potrebe Visokog sudskog i tužilačkog vijeća Bosne i Hercegovine.

Član 2.

(Razlog poništenja)

Predmetni postupak se poništava iz razloga što nijedna od primljenih ponuda nije prihvatljiva.

Obrazloženje

Postupak javne nabavke proveden je putem otvorenog postupka. Obavještenje o nabavci objavljeno je na web portalu: <https://www.ejn.gov.ba/>, broj obavještenja: 172-1-2-108-3-61/23 od 14.07.2023. godine. Primljena je ponuda ponuđača BUNJO d.o.o. Sarajevo.

Komisija za nabavke imenovana Rješenjem br. 05-16-4-158-1/23 od 11.01.2023. godine i 05-16-4-160-2/23 od 22.05.2023. godine, izvršila je pregled i ocjenu ponuda (Zapisnik o pregledu i ocjeni ponuda i izvještaj o radu Komisije, broj: 05-16-4-2560-28/23 od 22.08.2023. godine (u daljem tekstu: Zapisnik) je u prilogu ove odluke) i utvrdila sljedeće:

Ponuda ponuđača BUNJO d.o.o. Sarajevo se ocjenjuje neprihvatljivom budući da ponuđena cijena prelazi planirana, odnosno osigurana novčana sredstva, a u skladu sa član 2. stav (1) tačka l) podtačka 2) Zakona o javnim nabavkama.

BUNJO d.o.o. Sarajevo je dostavio ponudu na iznos 4.150,00 KM bez PDV-a, dok je VSTV BiH za LOT 4 - Održavanje i servis vozila marke Toyota (u ovlaštenom servisu), planirao iznos od 4.000,00 KM bez PDV-a.

S obzirom da cijena ponude prelazi planirana novčana sredstva, ponuda ponuđača BUNJO d.o.o. Sarajevo je ocijenjena neprihvatljivom.

Također ponuda ponuđača BUNJO d.o.o. Sarajevo se odbacuje jer ponuđač nije ispunio zahtjeve iz TD, a u skladu sa članom 68. stav (4) tačka i) Zakona o javnim nabavkama.

Ugovorni organ je tačkom 6.1.5. TD propisao da ispravke moraju biti vidljive i ne smiju se raditi korektorom, korektivnom trakom i drugim korektivnim priborom. Ispravke se trebaju vršiti na sljedeći način: neizbrisivom tintom, jednom linijom precrtati broj ili tekst koji se ispravlja, pored koga treba izvršiti novi upis, te staviti potpis i pečat ponuđača i datum ispravke.

Ponuđač BUNJO d.o.o. Sarajevo je u svojoj ponudi broj 057-2023 od 14.08.2023. godine (u daljem tekstu: Ponuda), između ostalog, dostavio i sljedeće:

- Certifikat – ovlašteni distributer Toyotinih vozila i dijelova u Bosni i Hercegovini (u daljem tekstu: Certifikat), koji je izdat od strane Toyota BH d.o.o. Sarajevo.

Na Certifikatu, ponuđač BUNJO d.o.o. Sarajevo, je vršio ispravke podatka o broju nabavke i obavještenja o nabavci korektorom.

S tim u vezi, Ponuda ne ispunjava uslove iz TD, iz razloga što je ponuđač BUNJO d.o.o. Sarajevo vršio ispravku podatka o broju nabavke i obavještenja o nabavci na Certifikatu, suprotno odredbama TD, na način da je ispravke vršio korektorom i iste nije izvršio na način kako je propisano tačkom 6.1.5. TD.

U skladu sa prethodno navedenim, te utvrđenim činjeničnim stanjem, Ponuda ponuđača BUNJO d.o.o. Sarajevo je ocijenjena i nepravilnom.

Komisija je uputila preporuku direktoru Sekretarijata Visokog sudskog i tužilačkog vijeća Bosne i Hercegovine za donošenje odluke o poništenju postupka.

Uzimajući u obzir navedeno, odlučeno je kao u dispozitivu ove odluke.

Pouka o pravnom lijeku

Žalba se izjavljuje Uredu za razmatranje žalbi Bosne i Hercegovine putem Visokog sudskog i tužilačkog vijeća Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

Broj: 05-16-4-2560-36/23

Datum: 25.08.2023. godine



Direktor Sekretarijata

Admir Suljagić

Dostavljeno:

- Ponuđaču,
- Odjelu za finansije i računovodstvo,
- a/a.